

Broj: UP1-06-13-1-76-1/23
Mostar, 19.04.2023. godine

Na osnovu člana 17., člana 22. stav (1), stav (3) i stav (4) i člana 23. stav (1) tačka c) Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 32. stav (4) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 36. stav (1) tačka c) i tačka j), stav (4) i stav (6), pa člana 37. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16, 82/21 i 1/23), postupajući po službenoj dužnosti u postupku privremenog oduzimanja Dozvole za rad (licence) za transport naftnih derivata drumskim saobraćajem broj UP1-06-13-1-227-1/21 imaocu dozvole „GORJA TRANSPORTI“ d.o.o. ŽEPČE, Poslovni centar XP b.b., Žepče, zastupanog po zakonskoj zastupnici Nevenki Marić, Regulatorna komisija za energiju u Federaciji Bosne i Hercegovine – FERK je 19.04.2023. godine na IX redovnoj sjednici donijela sljedeće

RJEŠENJE

1. Imaocu dozvole „GORJA TRANSPORTI“ d.o.o. ŽEPČE privremeno se oduzima Dozvola za rad (licenca) za transport naftnih derivata drumskim saobraćajem broj UP1-06-13-1-227-1/21 izdata Rješenjem broj UP1-06-13-1-227-7/21 od 17.12.2021. godine.
2. Nalaže se imaocu dozvole „GORJA TRANSPORTI“ d.o.o. ŽEPČE da do 27.04.2023. godine do 14:00 sati FERK-u dostavi dokaz o izvršenoj obavezi plaćanja regulatorne naknade za 2023. godinu u iznosu od 1.000,00 KM, kako je utvrđeno Rješenjem iz tačke 1. ovog člana, a u suprotnom FERK će donijeti rješenje kojim se trajno oduzima dozvola za rad (licenca).
3. Regulatorna naknada za 2023. godinu utvrđena u tački 5. Rješenja broj UP1-06-13-1-227-7/21 od 17.12.2021. godine, obračunat će se za period važenja dozvole za rad (licence) u 2023. godini, o čemu će se imaocu dozvole ispostaviti posebno obavještenje.
4. Ovo rješenje je konačno, pa se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 17.12.2021. godine FERK je Rješenjem broj UP1-06-13-1-227-7/21 izdao Dozvolu za rad (licencu) za transport naftnih derivata drumskim saobraćajem broj UP1-06-13-1-227-1/21 imaocu dozvole „GORJA TRANSPORTI“ d.o.o. ŽEPČE. Tačkom 5. navedenog rješenja određeno je da je imalac dozvole obavezan platiti regulatornu naknadu za 2022., 2023., 2024. i 2025. godinu u iznosu od 1.000,00 KM godišnje, dok je tačkom 7. navedenog rješenja propisano, između ostalog, da je imalac dozvole obavezan regulatorne naknade iz tačke 5. tog rješenja platiti do 31.01. tekuće godine.

Pošto imalac dozvole nije postupio u skladu sa navedenim rješenjem, odnosno nije izvršio svoju obavezu plaćanja regulatorne naknade za 2023. godinu u iznosu od 1.000,00 KM, FERK je istom u skladu sa članom 36. stav (2) i članom 41. tačka a) Pravilnika o izdavanju dozvola za rad

(licenci) za obavljanje energetske djelatnosti iz sektora naftne privrede uputio Opomenu broj 06-13-1-610-1/23 od 07.03.2023. godine, u kojoj je istom ostavio rok od osam dana od prijema te opomene da otkloni navedene nedostatke, odnosno da u ostavljenom roku izvrši plaćanje regulatorne naknade za 2023. godinu u ukupnom iznosu od 1.000,00 KM, pa da dostavi detaljno obrazloženje razloga neplaćanja regulatorne naknade.

Povodom dostavljene Opomene broj 06-13-1-610-1/23 od 07.03.2022. godine, imalac dozvole nije dostavio odgovor niti je otklonio navedene nedostatke, odnosno nije izvršio plaćanje regulatorne naknade za 2023. godinu.

Članom 22. stav (1) Zakona o naftnim derivatima u Federaciji Bosne i Hercegovine propisano je da se licenca prije isteka njenog važenja može oduzeti privremeno ili trajno. Dalje stavom (3) navedenog člana propisano je da se postupak za oduzimanje licence obavlja na isti način kao i postupak za davanje licence, dok je stavom (4) istog člana propisano da postupku trajnog oduzimanja licence prethodi postupak privremenog oduzimanja licence.

Takođe, članom 36. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisani su razlozi oduzimanja dozvole za rad - licence, pa je stavom (1) tačka c) i tačka j) ovog člana propisano da će FERK istu oduzeti ukoliko imalac dozvole ne poštuje uslove i rokove utvrđene dozvolom za rad (licencom), i ukoliko ne plati regulatornu naknadu. Članom 37. stav (1) ovog pravilnika propisano je da se postupak obnove, izmjene i dopune i oduzimanja (privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), dok je stavom (2) istog člana propisano da ukoliko su u zahtjevu za pokretanje postupaka iz stava (1) ovoga člana navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i na način da se donese odluka bez pozivanja zainteresovanih lica na davanje pisanih komentara na nacrt dozvole kroz proces javne rasprave.

Na osnovu naprijed navedenih odredbi, FERK je odlučio izvršiti privremeno oduzimanje Dozvole za rad (licence) za transport naftnih derivata drumskim saobraćajem broj UP1-06-13-1-227-1/21 imaoću dozvole „GORJA TRANSPORTI“ d.o.o. ŽEPČE, s obzirom da su ispunjeni svi propisani uslovi za privremeno oduzimanje dozvole za rad (licence).

Pošto se regulatorna naknada plata za period važenja dozvole za rad (licence), potrebno je izvršiti ponovni obračun regulatorne naknade za 2023. godinu za navedenog imaoća dozvole, o čemu će se imaoću dozvole ispostaviti posebno obavještenje.

Na osnovu navedenog, FERK je u skladu sa članom 36. stav (1) tačka c) i tačka j) i članom 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, odlučio kao u dispozitivu ovog rješenja.

POUKA O PRAVNOM LIJEKU:

Protiv ovog rješenja „GORJA TRANSPORTI“ d.o.o. ŽEPČE može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednika FERK-a
Mile Srdanović, s.r.